

TEZAUUR LITURGIC

18 MAI

ACATISTUL SF. CUVIOS MACARIE GLUHAREV DE LA ALTAISK



MOSCOVA, 2000



Акафист святому преподобному, богоносному и равноапостольному отцу нашему Макарию Глухареву, Алтайскому и Болховскому

Кондак 1

Избранный из всех родов Российских на служение в горах Алтая и просвещение людей, живущих во тьме язычества и суеверия, отче Макарие! Прославльшего тя Господа мы величающе, тебе похвальная пения воспеваем. Служением своим языцы просветивший и свет Боговедения тем явивший, от скорбных обстояний и всяких вед избави нас, тебе зовущих:

Радуйся, преподобне Макарие, апостоле алтайский.

Икос 1

Ангелов Творец и всея твари Создатель направи стопы твоя, преподобне отче, к народу, сидящему во тьме неведения и ищущему Солнца Правды. Ты же равноапостольного служения желая, мнози науцы с молитвою к Богу изучил еси, и талант данный ти Господем, в земли не сокрывая, разум свой на пользу матери-Церкви являя, первый среди ученик явился еси. Паче же

иных в молитве и служении Господу преуспел еси, отче, тем же и мы с радостию зовем ти сицевая:

Радуйся, от юности Господа возлюбивый;

Радуйся, сладость молитв к Нему вкусивый.;

Радуйся, страны Алтайския первый священниче;

Радуйся, и ныне о ней ко Господу молитвенниче.

Радуйся, яко тобою свет веры языком явися;

Радуйся, яко тобою алтайский народ просветися.

Радуйся, вся блага мира сего ни во что же вменивый;

Радуйся, свещниче, с вершины горы чада своя осветивый.

Радуйся, преподобне Макарие, апостоле алтайский.

Кондак 2

Видя усердие твое, преподобне отче Макарие, учителяе твои, среди оных святитель Филарет Московский, на путь тесный тя наставляя и иноческому житию поучая, радовашеся, зря любовь твою ко Отцу, Иже на небесех, ему же вси со умилением зовем: Аллилуиа.

Икос 2

Разумом ко Господу устремляясь, все житейское попечение отложил еси, преподобне отче, став на горный путь иноческого жития, Господу молился еси и Тому единому служил еси. Сего ради прими от нас похвалы сия:

Радуйся, благочестивых родителей чадо прелюбезное;

Радуйся, от них получивый для веры вся полезная.

Радуйся, от отца любовь ко служению и проповеди унаследовавый;

Радуйся, от матери дар кротости и смирения приявый.

Радуйся, успешным обучением родителей возвеселивый;

Радуйся, любовь свою ко Господу и родителем многажды проявивый.

Радуйся, святителя Филарета друже и учениче;

Радуйся, в усердной молитве возросший светильниче.

Радуйся, преподобне Макарие, апостоле алтайский.

Кондак 3

Силою Вышняго укрепляемый, преподобне отче, вся искушения мира претерпевая, лишения и скорби кротостию и смирением побеждая,

людем светским истинную веру показал еси, непрестанно вопия к Богу: Аллилуиа.

Икос 3

Имея мысль благу равноапостольным служением Господу угодити, стопы своя направил еси в земли Сибирския. Видя языцы, истиннаго Господа не знавшия, проповедал еси им Царя Славы, наречие местное изучил еси и родным для просвещаемых стал еси. Тем же мы, видя таковая, вопием ти:

Радуйся, отче, трудности на пути не убоявыйся;
Радуйся, с любовью за апостольское служение взявыйся.

Радуйся, горняя селения с проповедию обходивый;

Радуйся, чад своих искренне полюбивый.

Радуйся, Святое Писание народу алтайскому даровавый;

Радуйся, от Господа дар неусыпной молитвы приявый.

Радуйся, яко жизни оседлой языцы научил еси;

Радуйся, яко о спасении детских душ молился еси.

Радуйся, преподобне Макарие, апостоле алтайский.

Кондак 4

Бури искушений и скорбей побеждая, языцы наставляя еси во истинней вере, преподобне отче, неустанно проповедавая, народы Алтлйстии научал еси. Жителем же местным собою образ благочестия являя и ко спасению тех наставляя, воистину преподобными подвиги украсился еси, отче Макарие, Господу непрестанно вопия: Аллилуиа.

Икос 4

Слышавше, преподобне Макарие, ближнии и дальнии о проповеди и житии твоём, притекаша к тебе, яко ко источнику чистому и исцеления деющему, крещения желающе и ищущие пути спасительного. Ты же, отче, приходящих братским целованием лобызая и истинней вере поучая, многих ко спасению привел еси. Мы же видевшее благоразумие твоё, вопием ти:
Радуйся, благодатию свыше облеченный;
Радуйся, муже высокопросвещенный.
Радуйся, даром прозорливости одаренный;
Радуйся, к служению Божию Духом призванный.
Радуйся, алтайскому народу на его языке евангелие давай;
Радуйся, многия духовныя письмена написавый.
Радуйся, смирением и кротостию зло

победивый;

Радуйся, многих из языков к вере истинней
обративый.

Радуйся, преподобне Макарие, апостоле
алтайский.

Кондак 5

Боготечная звезда явился еси, отче, на горах
Алтая. Незабвенным архимандритом от
сослужащих прозван был еси. Всего себе отдал
народу просвещаемому, Господу непрестанно
вопия: Аллилуиа.

Икос 5

Видевше тя верныя чада церкви Христовой, яко
светило безоблачно сияюща многими
дарованьми божественными, возрадовахуся
зело. Слова спасительная языком вещая,
истинно Господу угодил еси. Отрока Михаила,
провиденнаго тобою иереем, грамоте обучив, из
тьмы неведения к познанию Света Истины
привел еси. И сей явился к жизни вечней первый
во иерейстем сане из алтайских племен. Мы же,
отче Макарие, вопием ти сице:

Радуйся, духовно отрока возлюбивый и вторым
отцем ему бывый;

Радуйся, в вере его утвердивый и просвещати
соплеменных благословивый.

Радуйся, яко отрок сей, став иереем Божиим,

прославися;

Радуйся, яко чрез него мнозиє в вере
утвердишася.

Радуйся, отче, виноград духовный насадивый;

Радуйся, преподобие свое миру всему явивый.

Радуйся, мнози сироты отеческим теплом
согревый;

Радуйся, нагих одеждею нетления одеявый.

Радуйся, преподобне Макарие, апостоле
алтайский.

Кондак 6

Проповедника богодухновеннаго и неусыпнаго
молитвенника видим тя, отче Макарие, мнозиє
ко предстательством твоим спасаются и из тьмы
язычества обращаются, непрестанно бо
молишися о нас ко Господу, воспевая ему:
Аллилуиа.

Икос 6

Возсия свет Христов в душе отрока Иоанна,
тобою просвещеннаго, отче Макарие. Грозный
родитель сего, идольстии жертвы принося,
возпыла на тя, отче, гневом, и погубити тебе
желая, со многими сродники притекаху к месту,
идеже ты обретался еси, со страшною силою
накинуся и убити уже хоте. Конь того же того
споткнуся, язычник оземь ударися и еле жив
остася. Ты же, отче, любовь свою являя,

болящему всю ночь служа, Господа
Милосерднаго о прощении несмысленнаго молил
еси. Мы же, видя таковую твою любовь ко
врагом своим, восхваляем тя:
Радуйся, первое чадо Господу в земли Алтайстем
явивый;
Радуйся, яко лютаго поносителя с кротостию
приявый;
Радуйся, Господу моливыйся простити того
греси.
Радуйся, яко праведным гневом возгорелся еси
на хуливших Господа Славы;
Радуйся, смирением своим покоривый жестоцыя
нравы.
Радуйся, поносителю своему при одре
служивый;
Радуйся, яко молитвами твоими язычник,
клявшийся идолам в любви, христианином
содеяся.
Радуйся, преподобне Макарие, апостоле
алтайский.

Кондак 7

Хотяше служителие идольстии изгнати тя, отче
Макарие, от Алтайския страны, мнозие скорби
тебе учиниша: угрозы тебе посылаху и
препятствия деяху. Ты же со смирением их
поучал еси и о прощении и просвещении тех

Господа непрестанно молил еси, вопия ему:
Аллилуиа.

Икос 7

Новою и лучезарною лампадою веры Христовой на Алтае, пред Господем возсиял еси, преподобне. Мнозие же люди свет твой, отче Макарие, видя, яко ты Господу единому служиши со благоговением и любовью. Неций же от язык, Борисом нареченный, крещения не желая и гласу твоему не внимая, во тьме язычества косне. Ты же к словам поучений молитву приложил еси, и чудо явися: сей от идол прииде к вере Истинней. Видевше же силу молитвы твоея, воспеваем ти похвалы сия:
Радуйся, по евангельскому глаголу едину овцу взыскавый;
Радуйся, ко ослепленному душею словеса правды вещавый.
Радуйся, яко того самаго язва страшная и жар зельный объяста;
Радуйся, яко сей от язык к покаянию притече и Христовых Тайн причастник явися.
Радуйся, яко Божественною литургиею той с радостию насладися;
Радуйся, яко молитвами твоими от огневицы сей просвещенный оставлен бысть.
Радуйся, яко многая лета и благоденствие ходатайством твоим тому даровашася;

Радуйся, яко тобою свет Христов в стране
полунощней воссия.

Радуйся, преподобне Макарие, апостоле
алтайский.

Кондак 8

Странное и преславное чудо видится всем, отче
Макарие, яко земля Алтайская во язычестем
суевении погибающая, явился твоими трудами ко
свету Истины. Чада же ея, неведающая некогда
Господа, ныне вопиют ему: Аллилуиа.

Икос 8

Все житие твое, равноапостольне отче Макарие,
явился образом служения Предвечному Богу и
людem края Алтайскаго и всея страны
Российския; ты бо трудности и тяготы пути
превозмогая, чрез холмы и реки шел еси к ко
взыскующим спасительного слова, молитвою и
беседою тех утешая и на путь спасительный
наставляя, ловцем человеков, подобно апостолом
Христовым, соделался еси. Мы же приносим ти
похвалы сия:

Радуйся, мнози души из руки велиара
исхитивый;

Радуйся, молитвою вся козни того победивый.

Радуйся, лучезарный светильниче веры и
благочестия;

Радуйся, неумомимый искоренителю невежества

и нечестия;
Радуйся, к чтению священнаго Писания нас
возбуждаяй;
Радуйся, жити по Евангелию Христову нас
научаяй;
Радуйся, внутренния язвы духовныя наша
исцеляяй;
Радуйся, преподобне Макарие, апостоле
алтайский.

Кондак 9

Всяк притекающий к тебе, богоносне отче
Макарие, словом лювве и наставлением в вере
бысть встречен, ты же, отче, много воздыхаше о
народе, младенчествовавшем во Христе,
непрестанно поя Господеви: Аллилуиа.

Икос 9

Витийство человеческое не довлеет к
достойному прославлению твоих трудов,
преподобне Макарие, обаче приими тебе
приносимья пения наша. Скорби во и подвизи
твоя, приснопамятне, ублажающе, с верою и
любовию вопием ти сице:
Радуйся, мнози языцы ко Христу приведший;
Радуйся, чада духовныя во множестве
обретший.
Радуйся, новых чад Божиих ревностный
учителю;

Радуйся, сирых и убогих присный попечителю.
Радуйся, наказателю, Святую Троицу хулящих;
Радуйся, скорое воздвижение болящих;
Радуйся, милость Богородицы к нам
приклоняющий;
Радуйся, у престола Господа Вседержителя чад
своих присно поминающий.
Радуйся, преподобне Макарие, Апостоле
алтайский.

Кондак 10

Спасти хотя мнози словесныя овцы от волков,
губящих я, непрестанно проповедовал истину
новопросвещенным чадам твоим духовных, как
в земли Алтайстей, так и во граде Болхове,
идеже промыслиением Божиим продолжил еси
служение твое, среди народа русскаго, азы веры
христианской забышаго и паки в суеверия
языческа впаваго, сострадание и любовь к
тем являя и спасения тем желая, мнози труды
полагал еси, отче Макарие, дабы вся страна
Российская воспевала Господеви: Аллилуиа.

Икос 10

Стена нерушимая - вера твоя, отче Макарие, и
служение твое Господеви - миро пред Ним
благонное, мнози собра люди со слезами, егда
ты, преподобне, отъезжал еси от предел
Алтайских. Стенание и плач стояше над горами,

егда паства, тобою ко Господу приведенная,
провождаше тя, отче, в дальний путь. Мы же,
видя таковую любовь к тебе, воспеваем сицевыя
похвалы:

Радуйся, непрестанно труды своя во славу
Божию полагавый;

Радуйся, языком свет истинный показавый.

Радуйся, соплеменников твоих в вере
утвердивый;

Радуйся, яко сердце твоего ненависть николиже
коснуся;

Радуйся, яко уста твоя осуждения отвергостеса.

Радуйся, всем, любящим Господа тихую радость
на сердце полагаяй

Радуйся, дружбу и любовь меж христианами
укрепляяй;

Радуйся, о благостоянии святых Божиих
Церквей Христа умоляй.

Радуйся, преподобне Макарие, апостоле
алтайский

Кондак 11

Пению ангельскому уподобляшеса, преподобне
Макарие, служение тобою Господеви
возносимое. По молитве твоей мнози чудеса
содеяшася. Языцы благодатию Святаго Духа, на
тебе почивающей движимые, прихождаху ко
общению со Христом и вопияху Тому: Аллилуиа.

Икос 11

"Свет Христов просвещает всех" - возгласил еси, отче преподобне, егда душа твоя от тела разлучашеся, сим показа всея жизни твоея венец. Тело бо твое по велению архиерея трижды окрест престола обнесено бысть и в землю сокрыто, душа же твоя в селениях горних вселися, славою Божиею осияваема. Мы же видеша таковую твою мирную кончину о Господе вопием сице:

Радуйся, в Божественных чертозах водворивыйся;

Радуйся, яко блаженнаго успения сподобивыйся.

Радуйся, в вечном блаженстве упокоивыйся;

Радуйся, Бога лицезрением наслаждающийся.

Радуйся, с апостолы Христовы присно торжествующий;

Радуйся, с преподобными величаемый.

Радуйся, вечною радостью преисполненный;

Радуйся, яко Господа ради в земли Алтайстей прославился еси.

Радуйся, преподобне Макарие, апостоле алтайский.

Икос 12

Поюще служение твое, ублажаем тя, преподобне отче Макарие! Буди нам молитвенниче и защитниче от стрел лукаваго, укрепляя и

наставляя нас к проповеданию Слова Божия среди язык и безбожник. Прими похвалы тебе, отче приносимыя, и услыши ны, во умилении вопиющих ти сицевая:

Радуйся, служений благоговейных любителю.

Радуйся, скорый молящихся услышателю;

Радуйся, блага житейския преславно нам подавая;

Радуйся, путь, ведущий к Богу, многим освещаая;

Радуйся, проповедником веры истинной помощниче;

Радуйся, пришедших ко Христу от злых преследований защитниче.

Радуйся, яко ангели о твоих подвизех радуются;

Радуйся, яко мнози человецы по твоему примеру и предстательству спасаются.

Радуйся, преподобне Макарие, Апостоле алтайский.

Кондак 13

О пречудный проповедниче и преславный угодниче Божий, земли Алтайския

молитвенниче, преподобне отче наш, Макарие!

Приими от нас малое моление, тебе ныне приносимое, яко Господеви ты угодил еси на земли, с Ним же и превыбываеши на Небесех.

Сице молим тя: непрестанно молися, да и мы сподобимся в селениих горних воспевати Ему:

Аллилуиа! Этот Кондак читается трижды, затем 1-й Икос и 1-й Кондак

